



POLITICA D'UFFANTS E DA GIUVENILS
EN IL CHANTUN GRISCHUN

Actualitads da la politica d'uffants e da giuvenils

03 / 2021

Allegra, Ciao, Grüezi

Stimadas partenarias e stimads partenaris da la politica d'uffants e da giuvenils

En la strategia per la promoziun tempriva è ussa cuntanschè in ulteriur term impurtant. A la dieta da rait dals 7 d'october a Cazas èn s'inscuntradas persunas spezializadas dad instituziuns publicas e privatas per discutir davart la realisaziun da las mesiras en la promoziun tempriva. La gronda participaziun a la dieta ans ha legrà fitg. In grond engraziament a tut las participantas ed ils participants per l'engaschi e per l'interess.

Da nov ha cumenzà il project da pilot per la purschida da furmaziun da geniturs e da promoziun tempriva «PAT – Emprender cun geniturs».

Ultra da quai As faschain nus attent al termin per inoltrar contribuziuns d'innovaziun per projects d'uffants e da giuvenils. Profitai da l'ocasiun. Anc avais Vus temp per inoltrar projects.

Salids amicabels

Susanna Gadiant

Beat Hatz

Contribuziuns d'innovaziun per projects d'uffants e giuvenils

Termin d'inoltraziun: 31 d'october 2021

Cun contribuziuns a projects concrets survegnan uffants e giuvenils en maun resursas per cumparter lur savida e per pudair realisar agens projects. Inoltrar dumondas pon ultra d'uffants e da giuvenils er vischnancas u autras organisaziuns che realiseschan projects en collavuraziun cun uffants/giuvenils.



Enconuschais Vus projects u ideas per projects? Faschai attent ils iniziants e las iniziantas a las contribuziuns da promoziun!

>ulteriuras infurmaziuns

«PAT – Emprender cun geniturs» - cumenzament en il Grischun



«PAT – Emprender cun geniturs» è ina purschida da furmaziun da geniturs e da promoziun tempriva per famiglias cun pliras grevezzas psicosocialas. Igl è cumprovà scientificamain che quest project ha ina efficacitad da prevenziun secundara. Il program da visitas a chasa ha la finamira da procurar, ch'ils geniturs d'aventian abels da promover lur uffants en lur svilup tenor la vegliadetgna e d'augmentar uschia lur

schanzas da furmaziun. Davent da la naschientscha vegnan famiglias uschia accompagnadas durant 2 fin 3 onns.

Pro Junior Grischun ha survegnì l'incumbensa da stgaffir il post da coordinaziun PAT en Grischun e d'accompagnar famiglias da la grupp en mira en las vischnancas da pilot Cuir e Tavau. Cumenzà vegn il schaner 2022. La politica locala sustegna il program da promoziun tempriva en omaduas vischnancas da pilot. Ed il program vegn coordinà cun autras purschidas dal sector prescolar.

Il project da pilot «PAT – Emprender cun geniturs» stat a disposiziun a vischnancas interessadas.

Ulteriuras infurmaziuns: [>Program da promoziun tempriva «PAT – Emprender cun geniturs»](#)

«In bun instrumentari per la vita è ina gronda schanza. «PAT – Emprender cun geniturs» è in instrument cumprovà per sustegnair e per promover a temp uffants da famiglias cun pliras grevezzas. Cun quest program tegnain nus noss pled da realisar ina finamira centrala da la promoziun tempriva en la politica d'uffants e da giuvenils dal Grischun: per tut ils uffants las medemas schanzas da partenza per lur carriera da scola e da furmaziun.»

Peter Peyer, cusseglier guvernativ
Departament da justia, segirezza e sanadad

Foto: Caroline Staeger



Impressiuns da la dieta da rait davart la strategia per la promoziun tempriva dals 7 d'october 2021 a Cazas

Colliar, discutir, numnar temas. En il center da la dieta da rait a Cazas è stadas las mesiras da realisaziun. Co po vegnir realisada la strategia per la promoziun tempriva? Tge temas èn decisivs? Tge mesiras èn adattadas per ina realisaziun efficazia?

La gruppa da project ha recipì ils numerus e prezius inputs or da las gruppas e dal plenum ed elavurescha ussa propostas per la proxima runda. Nus As tegnain al current.



